

Održan sastanak u okviru GEOBIZ projekta u Zagrebu

06.02.2020 12:55



Sastanak u okviru projekta *Business driven problem-based learning for academic excellence in geoinformatics (GEOBIZ)* je održan u prostorijama Rektorata Univerziteta u Zagrebu od 4. do 6. februara 2020. godine. Koordinator projekta je Geodetski fakultet Univerziteta u Zagrebu, odnosno prof. Dr. Željko Bačić.

Sastanak su pozdravnim govorima otvorili Rektor Univerziteta u Zagrebu, prof. Dr. sc. Damir Boras, predstavnica Agencije za mobilnost i programe EU i dekan Geodetskog fakulteta, prof. dr. Almin Đapo.

Tokom radnog dijela su sudionici upoznati sa projektnim zadatkom GEOBIZ projekta. Gospođa Giulia

Moro iz *EACEA* je prezentovala obaveze projekta prema investitoru, zatim su prof. Dr. Gezim Gjata iz *UPT Tirana*, Dragan Protić iz *Gilab Ltd. Beograd* te Andrej Lončarić iz *GDI Ltd. Zagreb* prezentovali i naglasili značaj projekta za poboljšanje saradnje između akademskog i privrednog sektora.

Prezentovani su i partneri *GEOBIZ* projekta, a budući da je Federalna uprava za geodetske i imovinsko-pravne poslove jedna od partnera upriličena je prezentacija koju je održala gđa Slobodanka Ključanin, stručni savjetnik za kartografiju.

Aktivnosti glede dodjele zadataka i upoznavanja s obavezama su također prezentovane a Federalna geodetska uprava je u skladu sa projektnim zadatkom projekta dužna osigurati osobe koje će biti uključene u rad Nadzornog odbora *GEOBIZ* projekta, u vidu davanja podrške u organizaciji radionica, izgradnje kooperacije sa akademskim sektorom te podizanje svijesti o značaju geopodataka.